

ՀԱՄԱԶԳԱՅԻՆ ՄԵԾ ՏՕՆԸ

ՊԵԱՏԻԳՈՐԾԿ

Կիրակի, հոկտ. 13-ին, հայոց ծխական դպրոցի դահլիճում կայացաւ աշակերտական ցերեկոյթ տառերի գիւտի 1500-ամեակի և հայկական տրպազրութեան 400-ամեակի առիթով:

Հանդէսը բացեց աւագ ուսուց. Մ. Մարգարեան, համառօտ կերպով ծանօթացնելով հանդիսականներին տառերի գիւտի և հայկական տպագրութեան պատմութեան հետ: Ապա աշակերտներից պատրաստած փոքրիկ խումբը երգեց մի քանի երգեր և կարդացեցին ոտանաւորներ:

Հանդէսը փակեց Մ. Մարգարեանը, յայտնելով, որ մանկավարժական խորհուրդը ցանկանալով յաւերժացնել Մեծ Տօնը, վճռել է կէսօրից յետոյ, շաբաթական երեք անգամ, պարապել դպրոցում այն երեխաների հետ, որոնց ծնողները զանազան պատճառներից զրդւած չեն կարողանում երեխաներին դպրոց ուղարկել մայրենի լեզուն սովորեցնելու համար: Մանկավարժական ժողովի այդ վճիռը հանդիսականների կողմից արժանացաւ բոլորն ծափահարութեան:

Յաւօք սրտի պիտի յայտնեմ, որ տեղիս հայկական զազութիւնը շատ անտարբեր վերաբերեց դէպի համազգային այդ մեծ տօնը: Չնայած որ հրաւերներ էին ուղարկւած բոլորին, բայց և այնպէս հանդէսին ներկայ գտնւեցան 10--15 հոգի (չհաշւած ա-

շակերտութիւնը): Տեղումս կան բարեգործական ընկերութիւններ, սիրողների խումբ, այն ինչ այդ օրը զրանցից ոչ ոք չէր եկել:

Հանդիսական

Ա. Չ Ա. - Ջ Ո Ի Ր

(Ղաղախի գաւառ)

Շարաթ, հոկտ. 12-ին, ս. Թարգմանչաց տօնի օրը, ծխական դպրոցի դահլիճում կայացաւ դպրոցական հանդէս՝ նւիրւած հայոց տառերի գիւտի 1500 և տպագրութեան 400-ամեակի մեծ յօրելիանին:

Հանդէսը բացեց ուսուցիչը «Հայոց տառերի գիւտի և տպագրութեան պատմութիւնը» բանախօսութեամբ: Բաւական ընդարձակ իրօսեց հայոց հին և նոր գրականութեան զարգացման մասին: Բերեց ցիտատներ սկսած Արտվանից մինչև նորագոյն զրոզների մտքի ստեղծագործութիւնները:

Այնուհետև աշակերտները խաղացին մանկական պիեսներ, արտասանեցին ըստ պատշաճի՝ ոտանաւորներ, եզան խմբական և սոլօ երգեր:

Հանդիսականներին ցոյց տրւեցին սինեմատոգրաֆիական գործիքով կենդանի նկարներ, որը հրճանք պատճառեց ներկայ եզողներին:

Հանդէսից մնացած արդիւնքը, հինգ թուրի, ուղարկւեց Էջմիածնի Սինոդին:

Պ.-եան